



**PEKELILING PENTADBIRAN
BILANGAN 23 TAHUN 2015**

**PERATURAN BAYARAN PAKAIAN ISTIADAT,
BANTUAN BAYARAN PAKAIAN *BLACK TIE* DAN
BAYARAN PAKAIAN MENGHADIRI
UPACARA RASMI
DI UNIVERSITI TEKNIKAL MALAYSIA MELAKA
(UTeM)**

Pejabat Pendaftar
14 Mei 2015

Disalinkan kepada:

Naib Canselor
Timbalan Naib Canselor (Akademik & Antarabangsa)
Timbalan Naib Canselor (Penyelidikan & Inovasi)
Timbalan Naib Canselor (Hal Ehwal Pelajar)
Penolong Naib Canselor (Jaringan Industri & Masyarakat)
Penolong Naib Canselor (Pembangunan & Pengurusan Fasiliti)
Pegawai-Pegawai Kanan

PEKELILING PENTADBIRAN BIL. 23/2015

PERATURAN BAYARAN PAKAIAN ISTIADAT, BANTUAN BAYARAN PAKAIAN *BLACK TIE* DAN BAYARAN PAKAIAN MENGHADIRI UPACARA RASMI DI UNIVERSITI TEKNIKAL MALAYSIA MELAKA (UTeM)

1.0 TUJUAN

Pekeliling Pentadbiran ini bertujuan untuk memaklumkan kepada semua staf Universiti Teknikal Malaysia Melaka (UTeM) mengenai keputusan pihak Universiti atas perakuan Mesyuarat Lembaga Pengarah Bilangan 2 Tahun 2015 yang bersidang pada 2 April 2015 telah bersetuju untuk menerima pakai Pekeliling Perkhidmatan Bilangan 16 Tahun 2007 berkenaan "Bayaran Pakaian Istiadat, Bantuan Bayaran Pakaian *Black Tie* dan Bayaran Pakaian Menghadiri Upacara Rasmi" dengan pindaan terhadap had kadar bayaran bagi Bayaran Pakaian Istiadat yang ditetapkan kepada pegawai Universiti yang berkecuali dan menerima pakai sepenuhnya Surat Pekeliling Perkhidmatan Bilangan 15 Tahun 2007 berkenaan "Penjelasan Mengenai Pelaksanaan Pemberian Kemudahan Pakaian Istiadat, Bantuan Bayaran Pakaian *Black Tie* dan Bayaran Pakaian Menghadiri Upacara Rasmi" dan Surat Pekeliling Perkhidmatan Bilangan 11 Tahun 2008 berkenaan "Pemanjangan Bayaran Pakaian Menghadiri Upacara Rasmi Kepada Pegawai Dalam Kumpulan Sokongan Yang Diarah Bertugas Di Parlimen Atau Dewan Undangan Negeri" di Universiti Teknikal Malaysia Melaka (UTeM).

2.0 LATAR BELAKANG

2.1 Kerajaan menerusi Pekeliling Perkhidmatan Bilangan 16 Tahun 2007, Surat Pekeliling Perkhidmatan Bilangan 15 Tahun 2007 dan Surat Pekeliling Perkhidmatan Bilangan 11 Tahun 2008 telah memperuntukkan kemudahan Bayaran Pakaian Istiadat, Bantuan Bayaran Pakaian *Black Tie* dan Bayaran Pakaian Menghadiri Upacara Rasmi.

3.0 PERATURAN BAYARAN PAKAIAN ISTIADAT, BANTUAN BAYARAN PAKAIAN *BLACK TIE* DAN BAYARAN PAKAIAN MENGHADIRI UPACARA RASMI

3.1 KELAYAKAN

- 3.1.1 Staf yang mempunyai Pakaian Istiadat layak diberi Bayaran Pakaian Istiadat dan boleh memilih untuk menggantikannya dengan Bayaran Pakaian Menghadiri Upacara Rasmi.
- 3.1.2 Staf yang tidak mempunyai Pakaian Istiadat dan dikehendaki menghadiri upacara rasmi untuk menerima bintang dan pingat dalam majlis Istiadat Pengurniaan Bintang dan Pingat sama ada di peringkat Persekutuan atau Negeri layak diberi Bayaran Pakaian Menghadiri Upacara Rasmi.
- 3.1.3 Pasangan kepada staf yang turut hadir dalam Majlis-Majlis Istiadat Pengurniaan Bintang dan Pingat sama ada di peringkat Persekutuan atau Negeri layak diberi Bayaran Pakaian Menghadiri Upacara Rasmi.
- 3.1.4 Staf dalam Kumpulan Pelaksana (Gred 27 hingga 40) dan Gred 41 dan ke atas yang diarah bertugas di Parlimen atau Dewan Undangan Negeri layak diberi Bayaran Pakaian Menghadiri Upacara Rasmi.
- 3.1.5 Staf yang dikehendaki memakai Pakaian Istiadat semasa menghadiri upacara rasmi layak diberi Bantuan Bayaran Pakaian *Black Tie*.

3.2 SYARAT-SYARAT

Kemudahan ini adalah tertakluk kepada syarat-syarat seperti berikut :

- a. kemudahan bayaran pakaian ini diberi setiap tiga (3) tahun sekali;

- b. staf yang telah diberi Bayaran Pakaian Istiadat tidak layak menuntut Bayaran Pakaian Menghadiri Upacara Rasmi dalam tempoh tiga (3) tahun yang sama;
- c. tuntutan bayaran balik hendaklah disokong dengan resit; dan
- d. tuntutan bayaran balik Pakaian Menghadiri Upacara Rasmi hendaklah disokong dengan maklumat mengenai jemputan upacara rasmi atau surat arahan bertugas di Parlimen atau Dewan Undangan Negeri.

3.3 KADAR BANTUAN BAYARAN PAKAIAN

3.3.1 Berikut adalah kadar bantuan bayaran pakaian di Universiti Teknikal Malaysia Melaka (UTeM) :

Bil.	Jenis Pakaian	Kadar Bayaran (RM)
1.	Bayaran Pakaian Istiadat	1,500.00 - 3,500.00
2.	Bantuan Bayaran Pakaian <i>Black Tie</i>	1,000.00
3.	Bayaran Pakaian Menghadiri Upacara Rasmi	650.00 (staf)
		450.00 (pasangan)

3.3.2 Penggunaan kemudahan ini akan dicatatkan di dalam Buku Perkhidmatan staf.

4.0 PELAKSANAAN

4.1 Pekeliling Pentadbiran ini hendaklah dibaca bersama dengan Pekeliling Perkhidmatan Bilangan 16 Tahun 2007, Surat Pekeliling Perkhidmatan Bilangan 15 Tahun 2007 dan Surat Pekeliling Perkhidmatan Bilangan 11 Tahun 2008. Salinan Pekeliling Perkhidmatan dan Surat Pekeliling Perkhidmatan tersebut boleh dirujuk di laman web Jabatan Perkhidmatan Awam Malaysia (JPA) di alamat <http://www.jpa.gov.my> .

5.0 TARIKH KUAT KUASA

5.1 Pekeliling Pentadbiran ini berkuat kuasa mengikut tarikh Pekeliling Perkhidmatan Bilangan 16 Tahun 2007, Surat Pekeliling Perkhidmatan Bilangan 15 Tahun 2007 dan Surat Pekeliling Perkhidmatan Bilangan 11 Tahun 2008 berkuatkuasa.

5.2 Sebarang pertanyaan lanjut berkenaan perkara ini hendaklah dirujuk pada Unit Rekod & Persaraan, Bahagian Pengurusan Sumber Manusia, Pejabat Pendaftar.

Sekian, terima kasih.

“KOMPETENSI TERAS KEGEMILANGAN”

Saya yang menurut perintah,



DATUK HASAN BIN SIRUN

Pendaftar

Universiti Teknikal Malaysia Melaka

/bpsm

